

FUTBOLA

Gailurrean jarraitzera

Realak aukera ederra du gaur arratsaldean Tenerifen positiboren bat lortzeko

Ligako bederatzigarren partidua jokatu du gaur Realak, Tenerifen hain zuzen ere. Donostiarrak sailkapeneko gailurrean ditugu Valencia eta Barcelonarekin batera, eta gaur halaxe jarraitzeko asmoa dute. Neurketa arratsaldeko 5.00etan hasiko da Heliodoro Rodriguez zelaian. Epailea Garcia de Loza izango da.

ENEKOITZ ESNAOLA / DONOSTIA

Isil-isilik, ia zaratarik atera gabe kokatu zaigu Reala Lehen Mailako sailkapeneko gailurrean. Orain arte zortzi partidu baino ez dira jokatu, baina beti ere hor goian egoteak zerbait esan nahi du. Toshackek duela hamar bat egun esan zuen maratoi honetan, ahulek edo faborito ez direnek hastapenetan aurreaurrean ibiltzea nahi izaten dutela, horrela argazkian irten ahal izateko. Egia esan, aurten talde boteretsuek ohi baino indartsuago ekin diote Ligari. Adibidez, aspaldian nahikoa gaizki hasi den Barcelona begira non dagoen, Valencia ere, Sevillak sendotasuna aurkitu duela dirudi, Deportivoak iazkoa 'txurroa' ez zela izan baieztatu nahi du... Racing izan da ahulenetan argazkia atera duen bakarra.

Reala, noski, ez da ekipo ahula, baina ezta, puntan egoteko modukoa ere. Galestarrak zioen, argazkian iriteten diren horiek gero pott egiten dutela, ezin baitute besteen erritmoa segitu. Talde donostiarreko kideak ez daude burua makurtzeko prest eta gailurrean jarraitzeko gogo izugarria dute. Sailkapeneko behealdera begiraterik ez dute nahi.

Dena den, ederki asko dakite gaur Tenerifen galduta ere ez zaiela mundua gainera eroriko, beste batzuei erori zaien bezala. Realekoak apal-apal daude, harrotasunik gabe. Jakinaren gainera daude laster jaitziko direla gailurretik, oraindik ez baitira Ligako titulaz borrokatzeko gauza. Lasaitasuna da nagusi. Dramarik ez dago.

Baina lasaiegi jokatzera ere ez da komeni gaur Heliodoro Rodriguez zelaian. Su eta gar aritu beharko dira kanpoan laugarren garaipena lortzeko (Osasuna, Deportivo eta Atletico de Madrid). Gaur positiboen sorta (lau) ugaltzeko aukera dago, Madrilen duela bi aste bezalako egoera baitago, hots, aurkariak egun gutxi barru UEFako partidua du eta gainera baja garrantzitsuak ditu, Redondo argentinarrena —bi txartel hori jaso zituen iragan igandean Sevillan, eta selek-



Jokalari txuri-urdinek kanpoko laugarren garaipena eskuratu nahi dute.

LEIRE ARZUAGA

zioarekin dago — eta Agustin atezainarena — lesionatua—. Gainera, Toshackek, taldeari 12 puntutik 9 eman dizkion sistema zelairatuko du, bi zentral, libero bat eta bi lateral faltsurena alegia.

Galestarrak astekazkenean Kopako neurketan aldaketa batzuk egin zituen, baina gaur berriro orain arte gehien jokatu dutenak ariko dira: Alberto; Alaba, Larrañaga, Pikabea; Fuentes, Albistegi, Lumberras; Carlos Xavier, Oceano, Alkiza; Kodro. Baita Luis Perez aurrelaria Oceanoren ordezkari ateratzea. Aipatu 12 hauek eta Biurrunekin batera deialdian sartzeko gogoz Imanol, Guruzeta, Uria, Imaz eta Loren daude.

Valdano poeta, ilusioz beteta

E.E. / DONOSTIA

Ilusio handiz dugu Jorge Valdano argentinarra Tenerife entrenatzen, badakielako gauza onak egiten baditu, Real Madrid deko ateak irekita izango dituela denboraldia amaitzean. Ramon Mendozak gustuko du Valdano, honek ederki ezagutzen duelako etxe zuria eta bertan egon zenean, ongi moldatu zen. Valdano, besteak beste, Gasteizko Alaves-en aritua, Real Madrid taldearekin ezaguna bilakatu zen futbol munduan. Berak ere egin du lanik etxe zuria ezagutzeko, berea baita

TENERIFE		REALA
ALINEAZIOAK		
OTXOTORENA	1	ALBERTO
CESAR GOMEZ	2	FUENTES
AGUILERA	3	LUMBRERAS
OLIVARES	4	PIKABEA
DEL SOLAR	5	ALABA
MATA	6	LARRAÑAGA
CASTILLO	7	OCEANO
CHANO	8	ALBISTEGI
PIER	9	KODRO
FELIPE	10	CARLOS XAVIER
CONTE	11	ALKIZA
VALDANO	Ent.	TOSHACK
Arbitroa: Garcia de Loza Zelaia: Heliodoro Rodriguez Ordua: 17.00		

Santiago Bernabeun jokatzeko «beldur eszenikoa» sentitzen dela dioten esaldia.

Iazko denboraldia bukatu zenean eta bere taldeak azkeneko jardunaldian Real Madrid gainditu eta Barcelonari Liga eman zionean, Valdano talde zuria-ekin fitxatzeko aukera izan zuen, baina «gaizki irudit» zitzaien Tenerife uztea, honekin kontratua zuelako. Aurten, Florek ez badu Liga irabazten, ez da uste Valdano Real Madridera fitxatzeari uko egingo dionik.

Bera horregatik dago hain ilusioatua. Ospe handiko gizona da

eta porrotek ez diote, ez, mesederik egingo. Futbolaren kontzeptio zabala du, joko alaia gustatzen zaio, ikuskizuna ematea. Tenerifen, berarekin zoratzen daude, iaz taldeak UEFArako lehen aldiz sailkatzea lortu baitzuen. Aurten ere badu gaitasunik, baina horretarako ezin du gaur atzerapausorik eman. Reala gailentzen saiatuko den hamaikakoa haxe izan liteke: Otxotorena; Aguilera, Cesar Gomez, Mata, Olivares; Chano, Del Solar, Felipe, Castillo; Conte eta Pier. Redondo eta Agustin bajak dira. Taldeak zortzi puntu ditu.



Alberto Albistegi.

IKER KOTX

Albistegi: «Ez diegu pentsatzen utzi behar»

DONOSTIA

Joan den igandean Alberto Albistegi aulkian geratu zen eta bere ordezkari, pibote postuan, Andoni Imaz jokalaria billabonatarra aritu zen. Asteazkenean, Imazek titular jarraitu zuen, leku berean, baina oraingoan Albistegi ez zen eserita gelditu, libero jokatu baitzuen. Gaur, ziurrenik, A Coruña-ko Deportivo-ko etorrerako gizona pibote postura itzuliko da. Dena den, zaila da eibartarrentzat taldean sartzea. «Ongi ari naiz entrenatzen baina egun Realeko hamaikakoa sartzea ez da batere erraza. Mister-ak nahi duenean nago prest jokatzeko. Aurrekoan libero aritu nintzen. Egundorik gogorra izan zen niretzat, baina baita talde guztientzat ere».

Gaur aurkari Tenerife izango da. Bere ustez, talde honek bikain mugitzen du baloia, jokalariek teknikoak ditu —Felipe, Castillo, Del Solar, Conte...— eta presioa izan liteke gakoak. «Tenerifek bikain mugitzen du baloia, kalitatez. Hori dela eta, ez diegu pentsatzen utzi behar, euren jokoa egin ez dezaten».

LOREN: «NAHIAGO DUT EURIA»

Arraroa baldin bada ere, hermen Euskal Herrian azken egunetan eguraldi ona badugu, han Tenerifen txarra dute. Sekulako zaparradak bota ditu eta Heliodoro Rodriguez zelaian lokatza egon liteke. Realeko Loren aurrelariak euria gustuko du. «Noski, euria egitea nahiago dut, guri, teoriarik, mesede gehiago egingo digulako beraiei baino».

Asteazkenean Alacanten Herculesen kontra belauna ireki egin zitzaion, «baina jokatzeko arazorik ez dute izango». Kopako neurketa horretan pibote bezala bukatu zuen Lorenek, aurrelari gisa hasi bazen ere. Gaur ziurrenik ez da hamaikakoa sartuko. «Momentuz ez dakit ezer. Toshackek ez digu fitsik esan», zioen aurten oso minutu gutxi jokatu dituen Lorenek.